



insonlarning virus xavf solayotgan guruhlarining aksariyati allaqachon kasallanishga ulguradi. Endi chekish illatining ziyoni borasida Gavharxonning ma'lumotlarini keltiramiz. Tamaki tufayli AQSh iqtisodiyoti 193 milliard dollar, Hindiston esa 40 milliard dollar zarar ko'radi. Ta'kidlanishicha, tamaki chekish oqibatida bir yilda asosan rivojlanayotgan mamlakatlarda olti million kishi hayotdan ko'z yumadi. Tahlilchilarning fikricha, yer yuzidagi 15 yosh va undan katta bo'lgan aholining 1 milliard 113 million 300 ming nafari sigaret chekadi. Shundan 938 yarim millionini erkaklar, 174 million 700 mingini ayollar tashkil qiladi. Chekuvchilarning 226 millionini qashshoqlikda kun kechiradi. Jahon kashandalarining uchdan bir qismi 13 ta mamlakat hissasiga to'g'ri keladi. Bular AQSh, Bangladesh, Braziliya, Xitoy, Germaniya, Hindiston, Indoneziya, Yaponiya, Pokiston, Filippin, Rossiya, Turkiya va Vetnamdir.

1. Birinchi o'rinda 303 yarim million chekuvchisi bo'lgan Xitoy turadi.
2. Ikkinchi o'rin esa 105 million 200 ming kashandaga ega Hindistonga nasib qildi.
3. Uchinchi o'rinda turuvchi Indoneziyada 67,8 million chekuvchi bor.
4. To'rtinchi o'rinni egallagan AQShda 46,7 million kishining og'zidan sigaret tushmaydi.

Chekuvchilar soni bo'yicha Rossiya jahonda beshinchi o'rinda turadi. Bu mamlakatda 45 milliondan ortiq chekuvchi bor. Xulosa o'rnida aytish joizki, koronavirus pandemiyasi kabi chekish ham illat. Ulardan ogoh bo'lish, ehtiyot chorasini ko'rish barchamizga, salomatligimizga bog'liq.